



## NATIONAL CONSUMERS FORUM

Orion Complex, Second Floor

P.O. Box 1410, Victoria, Mahé, Seychelles

Tel: (+248) 4225941. Fax: (+248) 4226093 Hotline: (+248) 2812003

E-mail: [natcof@seychelles.net](mailto:natcof@seychelles.net)

---

Please address all correspondence to the Executive Director.

### REF: COVID-19

Tou bann konsomater e marsan,

An se moman ki nou pe pas atraver presyon COVID-19, lepep seselwa pe ganny afekte dan 2 fason :

- 1- Risk pou vwayaze, rasanble e sosyalize pe vin en problemn.
- 2- Konsomater pe panike, sa i fer ki zot pe aste an plis ki zot bezwen (Panic Buying)

Nou konpran rezilta sa premye rezon, ki nou bezwen protez nou lekore pour anpes nou ganny kontaminen, atraver transmision pasiv, an tousan bann sirfas kontaminen, ouswa ganny kontaminen par bann dimoun kin zot menm an kontak avek bann porter sa viris.

Me dezyen rezon, I pa lozik e I inadmisib. Dan sa moman dezespwar, serten dimoun pe kapitaliz lo konsomater. Zot pe gonfle pri bann komodite inzyenik dan laboutik e farmasi. Menm si nou dan en pei kot napa pri kontrol, sa pratik i imoral. NATCOF i kondann sa pratik. Sa bann marsandiz ti deza dan pei, i pan annan okenn logmantasyon dan pri karbiran, okontrere SEYPEC in annons en rediksyon. Sa bann prodwi de baz pour nou lizyenn ki ti pe ganny vann a en pri abordab avan deklarasyon deteksyon viris Corona dan Sesel, pe aprezan ganny vann 2 ou 3 fwa pli ser, zis aköz konsomater i vreman bezwen li.

Marsan i bezwen realize ki an fezan sa, zot pe anpes en konsomater vilnerab aste sa bann prodwi lizyenn ki kapab sov son lavi. NATCOF pe demann avek bann arsan, pou fer biznes dan en lespri pou ki zot kontinyen gard zot kliyan. Ou vann ou kliyan en prodwi a en pri rezonab, i pou kontinyen vin aste kot ou. Ou vann li en prodwi ser, ou pe ankouraz li pou al rod dan en lot laboutik. I domaz ki dan sa letan difisil.

Mr. Freddy Lesperance

Chairman NATCOF